

CIMELIA

Qu

5100



5100

CIMELIA

Cim. qu. 5100



COMME
NTARI
DE TVMVLTVGEDA
NENSI.

MARIAEBVRCI.
Anno Christi. M. D. LXXVII.
CVM Privilegio Regio.



COMME N-
TARIORVM
DE TVMVLTV GEDA-
NENSI. LIB. I.



PERFVNCTIS
omnibus, quæ ad coronatio-
nem & ad prendenda regni gu-
bernacula, ad nuptias etiam
cum Anna regii lagellonidas
rû sanguinis virgine superstite
coniungendas, rite atq; legitime, de more per-
tinebant, STEPHANVS REX, vt reli-
quas etiam regni sui partes lustraret, & vel du-
bios, vel à se tunc etiam auersos quorundam a-
nimos, in suam fidem perduceret, perductosq;
confirmaret, Cracouia Varsouiam cõtendit. Dis-
uisis enim cum apertissimo regni periculo, civi-
um studiis superiori bipartita electione, non-
dum vulnus illud Reipub. ita coaluerat, vt dis-
tractæ hominum voluntates ad vnius professio-
nem regis adducerentur: qua vna re omnis
Reipublicæ tranquillitas videbatur contineri.
Ad REGem igitur Varsouiam veniunt, pri-
mam



mum Lituani proceres aliquot, qui, concordis
 bus omnium ordinum atq; hominum magni
 Ducatus illius sententiis, Maximiliani Austrii,
 moderatissimi Romanor. Imperatoris electio-
 nem rueri hucusq; videbantur. Hi potestate à
 reliquis omnibus popularibus accepta, & ad Re-
 gem allata, in Regis nomen iurant, & solenne de
 more fidei sacramentum profitentur. Eodem
 inter cetera adferuntur quoq; litteræ ab ordinis
 bus terrarum Prusiae ad Regem scriptæ: ex quibus
 apparebat, variam inter ipsos quoque fuisse
 de regno eius sententiam: sed in illa tamen varie-
 tate, plurimum animos eò inclinare, imperium vt
 eius agnoscerent, seq; adeò sub eius potestatem
 subiectos esse, omni ratione testarentur. Rogas-
 bant igitur, vt, quoniam conuentu terrarum illarum
 indigerent, ad constituendas publicas rerum
 suarum rationes, cum aliis rebus quibusdam, tum
 ipsa illa quoq; de regno ipsius dissensione, nonni-
 hil perturbatas, conuentum hunc bona cum ma-
 iestatis eius venia agere, eoq; ad salutaria ineun-
 da consilia vti ipsis interea liceret. Quod qui-
 dem Rex non modò ipsis non negauit, sed etiam
 demonstrandæ vberioris beneuolentiæ gratia, se-
 ipsum non multo pòst in terris illis representatus-
 rum

rum esse ostendit. Iam tum enim in animo con-
 stitutum habebat, maxima regni comitia in Prus-
 sia indicere, eoq; omnes omnium prouinciarum
 ordines aduocare. Agitur suo die conuentus
 terrarum illarum: vbi communibus omnium suf-
 fragiis, legati nobilitatis & ciuitatum lecti sunt,
 qui vnà cum consiliariis terrarum illarum ad
 Regem profecti, subiectionē verbis conceptam
 solennibus Regi profiterentur, ab eoq; vicissim
 conseruandarum legum priuilegiarūq; suorum
 sponsonem paciscerentur. Interea Rege in Prus-
 siam, vt constituerat, contendente, & ipsis iam
 quasi Prusiae foribus imminente, Alb. Fridericus
 Marchio Brandenburgensis, qui secundus post Al-
 bertum patrem, clarissimum ac fortissimum vi-
 rum, beneficio Regū Poloniæ, Ducatum in Prus-
 sia obtinebat, omnium rerum copiis affluentibus
 abunde instructum: is litteras quoq; ad Regem
 Brestam mittit, fidemq; suam contestatus, maies-
 tatem eius agnoscere se, & sicut debuit, colere o-
 stendit. Tum Rex Thorunium peruenit, obui-
 am ei progressis ipsis terrarum Prusiae ordinis-
 bus, qui ibi antè aliquanto, aduentum eius ope-
 riebantur. Quo quidem in loco vbi sacramen-
 tum de more, suæ erga Regem fidei professi es-
 sent,

sent, facile conseruandorum iurium suorum spōsionem & obligationem à Rege retulerunt. Vna ex omnibus Gedanensium vrbs ab iis eiusmodi peragendis rebus abfuit: quæ cum conuentum illum communem, vnà cum aliis Prussiarum ordinibus paulò antè obiuisset, ibiq; legatos ad Regem cōmunes, communi suffragio decreuisset, non modò suos ipsa, vt conuenerat, non misit, verum etiam, quod iam pridem cogitatum, & vt facillè ex eo & aliis quibusdam indiciis iam tū apparebat, deliberatum secum habuerat, id fecit, seq; & à regno ipso, & ab ipsius denique, in qua sita est, Prussiarum consilio non obscurè separauit. Urbem Gedanenses Gedanum incolūt, à principibus & Tetrarchis Poloniarum ad ostium Istulæ positam: quæ is totam Poloniam pererrans, & aliquot interim aliis auctus fluminibus, in mare Balticum se exonerat, ad sinum Venedicum ipsum, qui ferè pars est sinus Codani, à quo Gedanum videtur esse appellatum. Ea vrbs, sicuti prouincia ipsa Prussiarum, quæ illam continet, Polonico semper censebatur imperio: nisi quod Crucificerius Marianorum ordo, qui olim simulatione auxiliorum Polonis ipsis aduersus gentes barbaras pactorum atq; promissorum

forū, in has regiones accitus, & in locorum certorum possessionem, sūma Polonorum voluntate missus erat, progressu temporis, rerum ipsarum aduersus hostes gestarum successibus elatus, dum multa deinde paulatim ipsis quoq; dominis per vim adimere, multa etiam armis suis ab eorum hostibus vindicata, sibi quo iure qua iniuria usurpare cepisset, Gedanum quoque ipsum, per simulationē auxilii aduersus vicinos nonnullos interceptum, & inde dominationi suæ adiunctum, seruitio per non exiguum temporis interuallum premebat. Vt verò deinceps idem ille ordo, prouincialibus passim hominibus omnis generis iniuriis contumeliosissimè diuexandis, dominisq; adeò ipsis Poloniarum regibus indignissimè tractandis, eò redactus esset, vt ex prouincia ipsa, singulari virtute Polonorum exterminaretur, tum ipsum quoque Gedanum, cum ceteris vnà urbibus, oppidisq; Prussiarum, in fidem reuenit Polonorum: quo quidem ex tempore, eorum semper ditione tenebat. Atq; in illo eiusmodi, quæ fuit antiquitus Polonis regibus cum hoc Mariano Cruciferorum ordine contentione, de Prussiarum dominatu, quòd Gedanensium illa ciuitas partes regias secuta fuisse videtur,

deretur, fuit eo nomine multis & magnis victo-
rum Regum beneficiis aucta atque honestata.
Nam & priuilegiis eiusmodi ornata est, vt nul-
lis externarum, & suarum æqualiū ciuitatum or-
namentis meritò posset inuidere: & cum vrbes
haberet duas æmulas, Thorunium & Elbingam,
à quibus tum ipsa rebus omnibus vincebatur,
factum est singulari Regū benignitate, emporio
ipso Thorunensi Gedanū translato ibiq; consti-
tuto, vt vtrasque ciuitates cito post omnibus re-
bus ipsa vinceret: vno excepto loco, quē in cons-
ciliis publicis, postremum tamen nunc etiam, ves-
tusto more obrinet. In reliquo quidem, eò po-
tentia, ex illis non tantum ciuitatum vicinarum,
sed etiam remotissimarum quarumque nationū
commerciis, adoleuit, vt non modò æmulas vr-
bes vinceret, non modò externis non inuideret,
sed etiam suis iam ipsa, vt fit, viribus laboraret,
& sicut corpora præualida, suo pte bono malum
sibi strueret ac conciliaret. Prima his mali la-
bes extitit, cum variā deinde erga Reges ipsos
liberatores suos mentem gerere, & nouis quasi
iterum rebus studere cœpissent. In vrbe enim
illa maritima, in quam ex assiduo confluxu hos-
pitum & conuictarum, noua quotidie infun-
deretur

deretur peregrinitas, sic vt interdum veterum ci-
uium progenies vix appareret, facile obliuio be-
neficiorum regionum obrepebat: interim autem
& fastus, & licentia, & rerum suarum fastidium,
(quæ eorū ferè sunt ppria, qui libenter mutant
sedes) tum deinde externorum morū amor, & o-
mnino nouarum rerum studium succrescebat.
Quæ quidem etiam vniuersa, siue mobilitate a-
nimi, mobilitati fluctuum maris, ad quod posi-
tam urbem haberent, persimili, siue naturali etis-
am odio, à Polonico imperio abhorrente, siue
adeò certo quodam consilio, vel libertatis obtri-
nendæ, vel subiectionis commutandæ, seu deniq;
ipso etiam tractu temporis, ita in eorum animis
inualescebant, vt aliquoties, ad comprimenda in-
iticia tumultuum illorum futurorum, Reges is-
plos venire eò, virgis armatos & securibus, neces-
se fuerit. Quod ipsū tamen audaciam duntaxat
eorum frangere ad tempus potuit, animos rebel-
lionis auidos in perpetuū his eripere non potuit,
quo minus per omnem occasionem magis etiam
se proderent, quàm rebus eorum expediret. Ad
extremum, cum malum illud, quò magis quasi
in fomite lateret, hoc magis atq; magis inuale-
scere in ciuitate videretur, nouissimè ad eam ora-

DE TVMVLTV

dinandam missi fuere ante annos octo, Sigismū
di Augusti Regis mandato V. viri Senatores
Stanisl. Carnouius Episcopus Vladislauien, Io-
an. Siracouius Palatinus Lencicien, ex Castella
nis aut Ioan. Costea Stembergus Castel. Geda-
nen, nūc Palatinus Sendomirien. Nicol. Firleius
Dambrouicius, Vislicien. & Stanisl. Visocius Bea-
chouien, Castellani: & missi quidem cum summa
potestate. His ad urbem aduentantibus, aditus
initio intra moenia à magistratu est negatus:
quod dicerent se delegato Regum imperio pa-
rere non consueuisse, neq; adeò obligatos esse.
deinceps tamen, grauissima Regia auctoritate
interposita, intra urbem admissi cum essent, ur-
bem quidem ipsam, tum querelis priuatorum
exaudiendis, tum legibus nonnullis ferendis, quo-
ad fieri potuit ordinauerunt, animos tamen ob-
stinatos quorundam ad officium adducere non
potuerunt. Ac tulerat quidem Sigism. Augus-
tus istam non admissorum V. virorum perui-
cacia grauius ferè quàm consuesset cetera: ex
quo & euocationes eorum ad tribunal regium
maxime horribiles, & causæ dictiones atrocissi-
mæ, & detentiones in custodia ipsis hætenus in-
expertæ, & deniq; multæ pecuniariæ nō leuissi-

mæ

GEDAN. LIB. I. 6.

mæ fuerant consecuta. Sed ut erat Rex ille
summa quadam lenitate atq; facilitate prædis-
tus, ita causa hæc à summa acerbitate paulatim
ad mitiorem conditionem delapsa, in eadem il-
la conditione constitit, vsq; dum aliquanto post
Rex ille benignissimus fato suo functus esset,
Interim tamen illi urbem, vallo fossa munire,
tormentis & pulueribus & globis instruere, mi-
lite armare, omne tributum, interregni tempore,
Reipub. negare, nihil prope imperati facere,
& pleraq; eiusmodi iam tunc meditari, quæ non
optimos eorum animos, nec rebus præsentibus
contentos, planè arguebant. Hoc igitur tum
etiam vulnus S. T. Ephani Regis temporibus
hæbat in venis ac visceribus ciuitatis illius.
Quod quidem illi tempus, ad explicanda per-
niciosa consilia, rati se adeptos esse quammaxi-
mè opportunum, auctis in immensum eorum op-
pibus, & Regibus ipsis lagelloniis vita functis,
suos, ut dixi, ad Regem mittere legatos, cum
ceteri populares ad eum mitterent, recusarunt.
Rex, qui vulnera Reipub. non exulcerare, sed
curare instituerat, seq; in iis curandis indulgens
tem potius medicum præstare, quàm durum &
asperum studebat: quos ipsi ad eum Gedanens

B ij

ses mite

ses mittere legatos recusarant, ipse ad eos ultro mittit, ex præcipuis Senatoribus duos delectos viros, Petrum Costcam Culmensẽ Episcopũ, qui inter disertos censebatur, & Ioannem Sluseuium Brestensem Palatinum, rerum Prussicarũ inprimis peritum, qui eos officii ac fidei erga Regem admonerent, & iusiurandum subiectionis, quod reliqui Prussiarũ ordines iam dedissent, regio nomine ab ipsis requirerent: in ipso quidẽ Rege nihil desideratum iri ostenderent, quod ad libertates & priuilegia ipsorũ conseruanda pertineret. Quæ quidem perhumana Regis legatio, quomodo ab illis excepta fuerit, id verò cum eorum ipsorum responsum, tum multo etiam magis res ipsa declarauit. Pro eo enim quòd à magni nominis Senatoribus, legatis regiis, sui erga Regem officii frustra admonebantur, Regem ipsi ultro officii admonebant, & vt prior iusiurandum illis daret, priuatũ, & ab aliis hominũ ordinibus, quibus omnibus multo antè iam datum esset, separatũ, hoc autem est, elatis suis animis appositum, regi verò contumeliosum, prope ferociter contendebant. Ante omnia autem, onera etiam quædam ciuitatis, nec regi ipsi satis nota, nec vulgo ab omnibus pro oneribus habita-

ta,

ta, tolli de plano, vt vocant, & causa etiam incognita aboleri perurgebant. Quæ quidem omnia, tanta præterea cum verborum licentia atq; insolentia faciebant, vt qui Senatores, ad eos legati missi erant, homines singulari modestia præditi, responsum ipsum, quod iam tum scripto erat comprehensum, aut mutari prorsus flagitarent, aut certè ad regem recipere refugerent. Atq; hæ quidem verborum erant contumeliæ, illæ rerum: quòd legatorum ipsorum regionum comites, viros nobilibus ortos familiis, ita acceperunt, vt ab eis barbaricum prorsus in morem violarentur. Responsum quidem ipsorum cùm ad aliquam optatæ modestiæ significationem mutatum ab ipsis non esset, à legatis regiis neglectum, postea ab ipsis illis ad Regem missum fuit. Interim Rex Mariæburgum excurrit, arcem visurus, fama munitionum & propugnaculorum, etiam inter externos claram & illustrem. Ibi Gedanensis Legationis suæ euentum, ex legatis ipsis dum cognoscit, videt, priorem illam, de qua dixi, ordinum Prussiarũ contumeliam, cū paulo antè à Gedanensibus deserebantur, & ad se absq; internunciis ipsorum dimittebantur, noua etiam sua indignitate esse cumulata: &

B v

tamen,

tamen, quod cum subditis rem sibi esse cerneret, committendum non putauit, ut aliquid per potentiam magis, quam per leges fecisse iudicaretur. Ferè fit enim in omni contentione, ut qui inferior atq; adeò imbecillior est, is cum maxime in potentiorè iniurius existat, acceperisse tamen non intulisse iniuriam videatur. Reos igitur ante omnia citari iubet. Illi verò interim, qui scelus pridem meditatum intra urbem continere iam non posse videbantur, militem, quem ex externis gentibus collectum in vrbe hactenus aluerant, extra urbem, bombardis instructum maioribus emittunt, & prope oppidum Dersouia, quod Regem Mariaeburgo redeuntem deflexurum esse nouerant, collocant, loco propter paludes opportunum, & fossa præterea, & aggere ac flumine egregiè communito. Quibus rebus peractis, libellum ipsum citatorium duabus epistolis, altera ad Regem, altera ad Senatum, qui adesset, inscripta, eludunt: portas urbis claudunt, tormenta & præsidia per muros disponunt, ad exterarum nationes, legationes plerasque dimittunt, nihil non faciunt, ex qua re modò bellum eos nefarium meditari apparere posse videretur. Earum epistolarum illa ferè summa fuit, Se
non

non modò nihil æqui à Rege impetrare, sed etiam primum summa verborum ignominia, læsæ maiestatis ad tribunal ipsius regium euocari, præter meritum quidem suum, qui fidem, quam à maioribus acceperant, magno studio hactenus coluerant; deinde & hostilibus quidem regionum militum irruptionibus villas suas infestari, & per vim eorum armatam, ciuitatem ipsam ad conditiones intolerabiles adigi. Quæ quidem non leuium malorum initia, ne iam maius etiam malum erumpant denique, magnopere verendum esse. Neq; armis opus esse aduersus eos, qui parere, salua libertate, parati sint: neq; si sit, stabilius tamen imperium esse posse quod vi, quam id quod beneuolentia constituitur. Et quoniam maiestatis accusari iniurati non possent, orare, ut & citatio eiusmodi aboleretur, & cum suæ ciuitatis, tum regni totius incolumitati melius consulatur. Ex Gedaniensium epistolæ serius omninò adueniunt, iam tum videlicet contumacibus ipsis, ob id quod citati non responderent, appellatis. Quo quidem tempore etsi iure ipso illis iam tum grauissimi criminis, cuius ipsis, si se stitissent, causa in iudicio dicenda fuit, condemn

condemnari poterant, nec dum tamen illorum contumacia, Regis aduersus eos benignitatem atq; clementiam claudere potuit, quo minus tunc etiam, auctore maximè Senatu, diem atrocissimè illius ferundi decreti comperendinaret, & spacium ipsis, erroris, siue ea culpa sit, emendandi concederet, Ipse ad litteras eorum non responderet, Senatoribus vt facerent permittit. Senatus potestate à Rege accepta, respondet copiosè, non magis ad has quidem eiusmodi litteras, quàm ad præcipua quædam capita eorum, quæ responso illorum superiore continebantur. In quibus illud erat, maiestatem Regis, quam omnes iam tum prouinciarum ac ciuitatum, non solum ordines, sed etiam homines colerent, non prius se posse agnoscere, quàm & iusiurandum ipsis, de iuribus ac priuilegiis eorum factis ac testis conseruandis, à Rege daretur; & ante omnia, pax quoq; & amicitia, quæ cum Cæsare Rom. & reliquis eius consortibus, contentione electis onis debilitata videbatur, per Regem firmaretur: ipsorumq; vt dicebant, securitati ab illa parte prospiceretur: & deniq; acta quædam superiorum temporum publica, rescinderentur, quibus se ciuitas supra modum grauari ostendebat.

debat. Quibus rebus ipsis, nonnulla etiam alia aspergebantur. Vnum, de Sigismundi & Augusti Regum iuramentis: quorum speciem ad ea, quæ ipsi illo ipso tempore in repub. aduersus Regem molirentur, maximè idoneam esse videri volebant, nec se ad præstandum Regi fidelitatis iuramentum, nisi Rege prius ipso in eorum priuilegia iureiurando adacto, cogi posse iactabant: ad idq; adeò comprobandum, verba ipsa Sigismundani priuilegii translatitia in rem quasi præsentem aduocabant. Alterum quòd aspergebatur, erat, de insigni quadam, vt ipsi existimabant, repugnantia priuilegiorum vrbs suæ à iure Polonorum & Lituorum communi: cuius iuris communis mentionem in formula iurisiurandi regii appositam, suspectam se habere profitebantur. Cum enim Regem, confirmandis iureiurando, vt moris est, priuilegiis singulorum, seu hominum, seu ordinum, seu ciuitatum, iuris etiam communis rationibus prouidere necesse esset, ne qua videlicet, obtentu eiusmodi priuilegiorum, iuri ipsi communi, vt ferè fit, aduersorum atq; contrariorum, ius ipsum publicum sublatum in vniuersum atque abrogatum esse videretur, qua vna perniciè nulla capi-

la capitalior posset inueniri: vereri se ostendebant Gedanenses, ne inentione iuris communis Polonorum & Lituanorum, in iusiurandum regium illata, hoc ipso privilegiis, tum vniuersæ Prussorum, tum priuatim Gedanensium ipsorum, quæ vtraq; vt ipsi putabant, cum Polonorum Lituanorumq; iuribus commune nihil haberent, obrogatum esse videatur. Ad hæc igitur & ad illa, quæ dixi, omnia, responder ad hunc modum Senatus, vt dixi, copiosè. Quæ Gedanenses agerent, quæ cogitarent, quæ molirentur, quæ spectarent denique, ea nec maximam in se æquitatis partem continere, & certè, cum à vetere ciuitatis illius erga regnum & Reges Poloniae studio atq; fide, iuribusque etiam & institutis communis reipub. tum verò à rationibus deniq; & commodis eorum propriis, esse quammaximè aliena: nec re solum ciuitati ipsi eorum obesse, sed exemplo quoq; ad pleraq; alia etiam externorum imperia dimanaturo, nocere. Pulchrè eos sapere, perbelle etiam ratiocinari, & ciuitatis suæ existimationem tueri, sibi videri, si Regi ipsi debitum fidelitatis iusiurandum à se ex officio suo exposcenti, hæc potissimum eludendi gratia opponant atq; obiciant. Vnum,

vt ius

vt iuramentum, quod tam anxie exigat, det prior ipse ciuitati, quàm idem representari sibi à ciuitate ipsa postulet. Alterum, vt sopitis cum Cæsare & extinctis electionis controuersis, pacem prius cum eo eiusq; confortibus constituat, quàm & se Regem Poloniae certum agnosci, & à regni ciuibus iusiurandū sibi subiectionis dari iubeat. Tertium, vt acta publica superiorum temporum, quibus se miserè pressam esse ciuitas eorum queratur, ante omnia rescindat: & tunc demum ciuitatem omni onere leuatam, omni etiam metu liberam, in fidem recipiat, si ea se libens atq; volens in eius clientelam tradiderit. Pulchra igitur hæc videri: verū quam vim habeant, etiā atq; etiam consideraret ipsi. Sibi quidem certe primum omnium periniquum videri, Regis iusiurandum, quod pridem omnibus in vniuersum regni ordinibus datum, ad Prussos verò etiam ipsos æquè pertinere, abunde paulo antè declaratum sit, denuò, ab vna & sola ciuitate, separatim exigere: ea autem præsertim ciuitate, quæ non foederatorum esset hominum, multo autem minus peregrinorum, sed quæ seipsa earum terrarum, eiusq; regni communione iactet contineri, cui regno, quibusq; terris iusiurandum illud Regis

C ij

gis, quod dixi, non solum datum iam verbis amplissimis, sed etiam studiis omnium ardentissimis acceptum esset. Aduersari omnino hoc eorum inceptum nouū atq; insolens, perantiquæ illi sponcioni, qua se maiores eorum, in ipsis fundati apud eos imperii Polonici initiis, Regi Casimiro, eiusq; successoribus, & regno ipsi obstrinxissent: ita & se, & omnes suos posteros, rationes regni Polonici communes semper habituros, vt neq; se à regno vnquam auellerent, neq; suas ipsorum rationes à regni rationibus separarent, sed vti membra, ad corporis ipsius commodum, omnia sua commoda referrent, & deniq; Casimiro ipsi, Casimiriq; successoribus Regibus Poloniæ perpetuò parerent, eadem prorsus cum ceteris regni incolis fide ac subiectione. Cur igitur hoc tempore membra se à corpore ipso separent? cur contra membrorum omnium tam apertam consensionem, eum qui caput totius corporis est, pro capite non agnoscant? Nam quod inquirunt, Sigismundanum & Augustanum iusiurandum patrocinari sibi, vt pro Rege agnoscere non debeant, eum qui non antea priuatim ac separatim in ciuitatis eorum priuilegia iurauerit: id verò priuilegio ipso eorum Regum

Regum scripto facilius refelli, quod Sigismundano quidem ipso, quod nominatim recitent, non obscure de Prusiæ terris caueatur, iusiurandum iis antè dari à Regibus quàm per eosdem exigere oportere: verum cum non addatur, SEPARATIM, ne ipsis quidem terris separatim deberi: multo autem minus Gedanensibus ipsis, qui in parte modò terrarum ipsarum Prusiæ censentur, nec vllam sui mentionem in ipso Sigismundi priuilegio esse factam possint ostendere. Augustanum verò iusiurandum quod attineret, satis patere, non tam aut nouum, aut separatū iusiurandum illud videri, quàm declarationem modò quandam eiusmodi, quæ ostenderet iusiurandum ipsius, quod aliàs vniuersis terris ac ordinibus regni ab ipso datum esset, etiam ad Prusiæ terras ipsas extendi oportere. Atque eiusmodi quoq; declarationem ab eo Rege, qui nunc feliciter imperet, Thorunii proximè, ordinibus Prusiæ factam esse, summa Regis ipsius voluntate. Vt iam periculum non sit, quo sibi suisq; libertatibus omnes terrarum Prusiæ ordines satis superq; cautum ac prouisum esse iudicauerunt, ne eo Gedanensium, vnius scilicet Prusiæ ciuitatis libertati, non satis cautum ac

prospectū esse videatur. Latebram igitur quæ-
 ri, & effugium iurisiurandi pernecessarii, cum ex-
 pectatio iurisiurandi regii prædeditur, ut eo ipso
 interim officium Regi & regno debitum deu-
 retur. Arque hoc quidem sic habere, iam il-
 lud quoque alterum, temerarium prorsus esse &
 indignum, quod de pace & amicitia Cæsaris
 obtenditur: non quasi piaculum vllum sit, ami-
 citiarum mentionem apud eum Regem fieri,
 qui omnium Christianorum principum amicitia-
 rum non solum magnificat, sed etiam, quan-
 tum in se est, magnopere & ex animo appetat;
 sed quod absurdissimè omnino fieri videatur,
 rationes, ut belli, ita etiam pacis & amicitia-
 rum, Regi ipsi præscribi: & præscribi quidem à
 subditis, & à subditis rebellibus, & ita rebellibus,
 ut nisi præscriptum suum observari ad vaguem
 videant, maiestatem Regis sui agnoscere nulla
 ratione velle videantur. Postremò actorum et-
 iam publicorum, quæ civitati ipsorum minimè
 ferenda videantur, rescindendorum, prorsus es-
 se mentionem importunam, non modò ipsis iu-
 risiurando fidelitatis necdum adactis, sed etiam
 ne causa quidem de iis rebus cognita, quibus se
 ipsi grauatos esse, verbo quiritètur magis quàm;
 re ipsa

re ipsa doceant: causas autem, nisi iuratorum, &
 sibi certa lege subiectorum hominum cognosci à
 Rege non posse. Nec verò importunam tan-
 tum eam mentionem, sed & superbam planè &
 seditiosam videri. Velle enim vno verbo irrita
 facere, quæ antea non modò nullo argumento
 improbaris, sed etiam sponte tua susceperis, su-
 perbum & fastuosum esse: ea autem quæ nun-
 quam à Rege aut expetieris, aut requisieris, qua-
 si denegata, in Regis ipsius inuidiam adducere,
 sanè perquam seditiosum esse. Quam enim vni-
 quam legationem, iam inde à Regis coronatio-
 ne ipsa, ad Regem missam esse à Gedanensibus,
 eorum onerum depellendorum causa? Quibus
 potius oneribus non pressum, quibusue iniuriis
 non affectum ab ipsis Regem ipsum fuisse per
 hæc tempora? dum consilia eum externis prin-
 cipibus, non modò iniussu regis maiestatis, sed
 contra ipsam regiam maiestatem communica-
 rentur, exercitus ex milite externo compararen-
 tur, intra urbem inducerentur, extra emitteren-
 tur, hostiles Moscorum legati regio prope appa-
 ratu exciperentur, regii hostiliter planè tracta-
 rentur: portæ urbis clauderentur, tormenta &
 præsidia per muros & ppugnacula disponderetur,
 homines

homines nobiles legatorum regionum familiares violarentur, multitudo ipsa ciuitatis quieta, & rebus praesentibus contenta, ad coniurationem & res novas moliendas, per dolum & fraudem sollicitaretur. Cum igitur non modestis, nec subditorum conditioni consentaneis rationibus, sed & violentis, & hostilibus, &, quod dicendum esset, subdolis consiliis res gererentur, & cum nulla legitima per id tempus legatio à Gedanensibus ad Regis maiestatem ablegaretur, quæ eum de optimo ipsorum animo, deq; rebus item ceteris, quæ eorum Reipublicæ interessent, sic uti oportuit admonendo, faceret certiore: ecquænam esse, qui non videat, quorsû hæc, quæ nunc per speciem & simulationem quandam obtenduntur, pertineant? Et tamen Regem ipsum, Regem optimum & benignissimû, quoad maxime licuit, videre se hæc omnia dissimulauisse: & tamen non à pæna iudicium, quod in eiusmodi crimine solet, sed à cognitione, auspiciatum fuisse: nec mulctam statim infligi, sed ante omnia, diem ipsis dici iussisse. Quid igitur factum esse? Quid? neminem eorum comparuisse. Quid deinde? Regem ipsum, primum Senatus sui auctoritate, deinde verò etiam litteris ipsorû

ipsorum permotum, diem horribilis illius ferundi decreti, iterum atq; iterum comperendinauisse. Quid postea? Gedanenses ipsos hostilis animi significationes omnes edidisse, Id adeò neq; negari, neq; vlla etiam ratione defendi posse. Nam quod dicerent, maiestatem offendisse eos nō videri, qui nondum iureiurando subiectionis interposito maiestatem agnouerint, id quidē impetritè planè dici. Nam, ut omittât, imminuto per eos iure reip, maiestatē reip. offensam prorsus esse: illud utique palàm esse, ciues Gedanenses iniuratos non videri, qui superioribus suis, superiorum Regum tempore præstitis iuramentis, non supersticiis tunc solum Poloniæ Regibus, sed etiam eorum posteris, fidem suam solenni illa cerimonia astrinxissent. Illum verò quoq; puerilem quendam metum esse, vereri Gedanenses, in formula iurisiurandi regii, exceptionem factam eorum, quæ aduersus ius commune impetrata fortè esse videantur: quasi ea exceptione palàm & apertè privilegiis ciuitatis illius obrogetur. Quis enim vnquam de priuato iure leges vllas sciuit, quin idem continuò omne illud exceperit, quicquid fortè aduersus rempub. in legibus illis rogatum sit? cum alioqui legum

vim omniū dissolui ac eneruari necesse planē esset. Ne longe abeant, inspicerent Gedanenses ipsi, ipsa illa, quæ tantopere iactant, vetera civitatis suæ privilegia: reperturos sanē, maiorum prudentia, ubique iuri communi abunde cautum in iis & prospectum esse. Cōmune autem hoc ius quod ita dicatur, constare planissimē non tam aut Polonorum ipsorum esse, aut Lituanorum ipsorum, quā vtriusq; populi, imō quā ipsorum Prussorum quoq; & omnium deniq; ex æquo nationum & populorum, qui in hanc rempublicam regni cōierunt: Prussi quidem iam tum ex eo tempore, cum in sponsione illa Casimiriana, cuius paulo antē mentio est facta, ipsi se apertissimē in ius & titulum, & imperium, & regimen, & potestatem, & sortem, & proprietatem, & corpus, & viscera, & integritatem, & vñionem, & ditionem, & subiectionem, & obedientiam, & fidem regni Poloniae concessisse, vel potius reuēnisse (hæc sunt enim omnia Casimirianæ illius sponsionis verba) profiterentur, Litvani verò promisso quidem suo aliquoties antē, pleno autem iure nuper admodum Lublini ante septennium, rebus omnibus, quæ ad plenissimam vtriusq; gentis vñionem pertinerent,

tūc

ritē firmatis atq; constitutis: ita vt ex duobus potētissimis populis vna deinceps vtriusq; communis respub. sub vno Rege constitueretur. Darent igitur sedulō operam Gedanenses, vt reliquorum Poloniae, Lituaniae, Russiae, Malsouiae, ipsius deniq; Prussiae ordinum studia erga Regem imitari, subiectionem, quam ceteri præstiterissent, quāq; ipsi eodem modo debeant, volentes ac lubentes, missis primo quoq; tempore nunciis, Regi profiteantur: hancq; adeo vnam, nec aliam, tollendæ citationis & decreti rationem esse, sibi persuadeant. Illos non audiant, qui, dum res novas moliantur, omnia seditionibus, tumultibus, bellis deniq; civilibus compleri cupiant. Meminerint potius, à quibus urbem suam primum conditam, deinde, ex impotentia quorundam dominatu ereptam, postremò etiam magnis opibus ac libertatibus auctam ac cumulatam acceperint. Secum igitur potius, quæ eos fratrum planē coniunctissimorum loco habeant, quā cum externis & alienis, consilia sua miscerent: exercitum aduersus Regem & rempub. ex externo milite comparatū dimitterent: portas urbis aperirent: tormenta & præsidia de mœnibus ciuitatis deducerent: Regi

offenso satisfacerent. Id nisi fecerint, tum se quidem & læsæ crimen maiestatis palam incurrisse, & non obscure Regem ipsum iratum habituros esse intelligerent: cuius Regis hætenus singularem erga se clementiam & animi moderationem perspexissent. Sin ductum auctoritatemq; Senatus secuti fuerint, nec in tantis Senatus vniuersi studiis, deesse sibi ipsi voluerint, nullis deinceps ciuitatis illius honestis rationibus, Senatum esse vnquam & priuatim & publice defuturum. Nunc etiam ne quid ad Regis adeundi securitatem deesse fortè ipsis videatur, litteras regias fidei publicæ, ad ipsos vnà cum his litteris mittere. Damna à militibus regiis vrbi ipsi vrbisq; prædiis interim data esse quod quererentur, et si id quidem merito ferè illorum contigisse videri posset, si quid eiusmodi iis contigisset, qui animis ad rebellionem concitatis, arma aduersus Regem regnumq; ipsum sumpsisse videantur, tamen si quid eiusmodi est, id certè neq; iussu Regis factum esse, qui vim omnem militibus suis seuerissimè interdixerit: neq; se adeò factum velle, qui ciuitati ipsi omnia benignè ad nodum cupiant: neq; scire etiam, qui interea aliis rebus, pro officio suo erga rempub. vacare

vacarent. Datturos tamen operam, vt si quædam illata ipsis esse constiterit, omnia abundè repositum iri, omnibus possit apparere: dummodo ipsi quoq; quod in se est, dederint operam, vt ipsos Regis Poloni maiestatem re ipsa agnoscere, ab omnibus hominibus possit iudicari. Quis est, qui iis eiusmodi cõmemorandis rebus, quantumuis ægrum animum sanari posse non existimet? Ea tunc tamen omnia, obstructis non magis auribus quàm mentibus, frustra canebantur. Duobus enim prope solum verbis Senatus respondent: illum autem, quo tunc Senatus pro tabellario, in deferendis litteris utebatur, iuuenem ex Andr. Opalenii Marsalci regni familia, reperti sunt, qui lapidibus abeuntem peterent, & infestis clamoribus, ad portam vsq; vrbis prosequerentur. Quid igitur Rex faceret? Ille verò, cum videret, veteribus ferendis iniuriis nouas indies inuitari, eos qui iudicio etiam comperendinato sistere se noluerunt, perduelles tandem decreto suo pronunciauit: id autem est, qui rebus omnibus rebelles se ipsi præbuisent, tales esse ostendit omnibus atq; declarauit. Quod cum Mariæburgi peregisset, Thorunium reuerti constituit. Verum vt per eam occasio

D. in nem,

nem, Prussiarum loca quàm posset plurima lustraret, tum ne iisdem illis, ad quos proximè Marienburgum proficiscens diuerterat, iteratam conquirendi commeatus molestiam crearet, commutaris aliquantum itineribus uti voluit. Traiectis igitur ad Marienburgum Nogato & Vistula, Dersouiam, quæ est quasi ad radices posita Minoris insulæ, peruenit. Minore insulam ad similitudinem maioris, videntur eius loci accolæ appellasse. Cum enim Maiorem insulam, ipsam quasi Vistulæ diuortium complexu suo efficiat, factum est, ut locus, qui huic insulæ esset prope modum ex aduerso oppositus, is diuersis, neque tamen his ipsis vndique, ut oportuit, inclusus fluminibus, similitudine modò quadam superioris, insulæ quoque appellationem sortiretur: & quidem Minoris, ad discrimen proculdubio Maioris, quæ ex eo nomen est consecuta, quòd, quanquam utraq; insulæ oualem obtinere figuram videantur, ipsa tamen Maior sit profectò Minore amplior. Atque illius quidem, quod dixi, diuortii, pars ea, quæ ad orientem vergit, quoniam pedis diuicari instar obrinet, Nogati nomine est appellata, quòd pedem nostri Nogam vocant: altera pars quæ occidentalis est,

est, Vistulæ appellationem retinet. Vtraque deinde diuortii pars orientem versus inflectitur: utraq; ut dixi, insulam Maiorem efficit: utraq; in Habum lacum ostiis duobus influit, & inde cum aliis plerisque, eodem illo lacu receptis amnibus, in mare deferitur. Atque hæc quidem de Maiori Insula. Minorem autem Insulam hæc flumina constituunt. Primum idem ille qui Maiorem, Vistula, sed altero illo latere occidentaliore: deinde Leniuca: qui ita dicitur, quòd in eo aqua, à naturali ipso Vistulæ alueo, Gedanum versus, studio atque opera hominum deflexa atque deriuata, lentius ferè defluat ac delabatur: tum his quasi duobus ex aduerso oppositus Morlaua ipse, quem euomere videntur paludes, à Dersouiarum campis ipsis non procul restagnantes, atque ita exortu propellunt lentim ac deferunt Gedanum usque. Quo quidem in loco, Leniuca ipse eidem commistus, & in ipsius nomen degenerans, una cum eo in mare demergitur. Sed Minor hæc tamen Insula ad eas tantum metas protenditur, quæ consistunt ad ipsum Leniuca & Morlauæ confluentem. In utraque earum, de quibus dixi, insularum, omnia ferè olim fuerant paludosa, ideoque & transiuntibus minus peruia, & ipsis quoque

quoq; arationibus prorsus inepta : nunc tamen cultura & studio hominum ita reddita sunt fertilia, vt vbertate glebæ, quod ad segetem quidem effundendam attinet, nulli in toto terrarum orbe prouinciæ cedere videantur. Siccatis enim per actas fossas paludibus, omnis illa limosi loci fecditas abscessit, & pinguis ac fecundi soli facies euestigio apparuit. Vnus in tanta felicitate, reperta, seu potius effecta, soli bonitatis, ille metus inerat, ne segetes fortè enatæ, exundantibus, vt fit, & accliuiores eo loci ripas facile superantibus aquis Vistulæ, assiduè obruerentur. Qua animaduersa re accolæ ipsi, qui arationibus vtramq; insulam exercebant, alueum ipsius fluminis muniendum, & aquarum vim còercendam sibi esse ab vtroq; Vistulæ latere, sumptu & opere maximo existimauerunt. Obiecta sunt igitur ab vtraq; ripa, & furori atq; libidini fluminis opposita moles maximæ manu facta, & longius producta, argilla & robore plurimo aggesto, ac in valli speciem firmato, quæ aquas excrecentes arceant, & quasi intra alueum cogant. Quibus perfectis, ita deinde aucta sunt, ipsorum quoq; colonorum opes, siue pecudum, siue adeò illius etiam, quæ à pecudibus

nomen

nomen accepit, pecuniæ modo, siue deniq; ipsorum ædificiorum ac villarum amplitudine, ac nitore, vt nulla vspiam terra maiores opes maioremq; elegantiam, in simili hominum genere queat ostentare. Itaq; alteram quidem ripam, quæ spectat Maiorem insulam, tueri videntur Mariæburgenses. Est enim Maior insula regie ditionis. Alteram, quæ est Minoris insulæ, tuentur Gedanenses ipsi, quorum ditione tunc temporis, cum hi tumultus gliscere inciperent, minor insula tenebatur. In qua sanè illi insula, nacti maximè, quod illic ne nunc quidè etiam difficile est, loca limosa atq; palustria, ipsoq; adeò Vistulæ latere permunita, excitatis præterea opportunè tum fossarum, tum vallorum munitio- nibus, tormentisq; ipsis per loca dispositis, copias illas ex vrbe, vt dixi, eductas, ibi quasi in insidiis collocant. Exploratum siquidem habebant, plerosq; ex comitatu regio, còmoditatem hospiti- orum consecretantes, in vltiores pagos dispartitos, paulò à suis longius, ad ipsas autem munitiones eorum propius fortè fortuna accessisse. Itaq; equos iumenta- q; eorum inuadentes, pleraq; globis traiecta pixidariis lecto dabant, ipsosq; illos, qui eo loci pacati confederant,

metu illo ac terrore iterum atq; iterum inferens
do exagitabant. Quorum damnis ac detrimen-
tis commotus Rex, qui altero etiam die Derfos
uiz commorabatur: quod Regem læsa toties
patientia irritatum, & dignitatis suæ bene memo-
rem facere oportebat, id nihil cunctatus, haud
impiger fecit. Præmissis enim noctu exiguis au-
licorum suorum copiis, qui eos armis ostentans
dis diuexarent, & metu impressionum suarum
fatigarent, tum deinde, per auersam partem, pa-
lustrè & satis impeditam, (quam illi itidem per-
munitam minori militū præsidio defendebant)
aliquot turmas equitum, & cohortem pedum
immisit, hostemq; ipsum, repentina illa & mini-
mè expectata incurfione turbauit: atq; ita dua-
bus inde ex partibus acrius turbatis ipsis instan-
do, & munitiones ipsas cœpit, & perduellium
illas copias partim contriuit, partim tormentis
omnibus exutas, in urbem ex agris illis eorum
latrocinio infestis ppere redire cœgit. Ex iis qui
per auersam partem ingressi erant, duo tantum
vulnerati fuisse memorantur, Ernestus Vaierus,
præfectus cohortis Germanicæ, & Vlodimirus,
qui ex Moscouia pridem Sigismundi Augusti
Regis temporibus in Poloniam venerat: quan-
quam

quam ea res neutri planè illorum magno admo-
dum incommodo fuit. Ex aulico autem comi-
tatu, Marc. Sobescius nobilis Polonus est vul-
neratus, vulnere sauo quidem illo, sed minimè
letali quoq;. Hungari in vniuersum quatuor
ferè periere: tres quidem ictu glandium pluma-
bearum, Gregor. Galadius, & Petr. genere
Triballus, nam tertius cum nomine ipso occu-
buit: sicut & quartus, quem palus limosa eo loci
fædè absorpsisse dicitur. Inter aulicas quidem
copias, insignis fuit Ioan. Comitis Tencinii per
antiqua Topororū familia, Castellani Voinicē,
& Andr. Opalinii regni Marsalci, duorum Se-
natorum promptus atq; expeditus ad arma ani-
mus: quorum ille, quoad opus fuerat, nihil præ-
termisit, quod ad inferendum hostibus metum
pertinere videbatur, hic autem cum ab altera
iam munitionum parte pelli hostes ipsos videret,
nihil cunctatus, per fossam ingentem & hor-
roris plenā, equo adacto calcaribus, transilire ad
eos cū periculo non dubitauit. Rex cōfecto præ-
lio, possessiones ac prædā quædā à trepidantibus
derelicta, inter quæ Grebinum & Nasouum oc-
cupauit. Cumq; eò pergeret, atq; in tumulos cæ-
sorum fortè fortuna incidere t, illachrymalse

E. n

communi

communi hominum miseræ, & illorum hominum amentia perhibetur: caesorumq; corpora extremis honoribus afficere euestigio iussisse dicitur. Atq; etiam illo ipso tempore, urbem ipsam, miserandum, ut ferebatur, in modum percussam atq; consternatam, cum apertissima clementia suâ significatione confirmare cuperet, tubicinem misit, qui ciuitati benigna omnia & paterna, nomine ipsius polliceretur, si modò leuibus illis primi praelii detrimentis acceptis, resipiscere, & maiestatem illius tandem agnosceret velle viderentur. Qui regis mandatis expositis, ad eaq; litteris Gedanensium receptis, tum Regi fit obuius, cum is, urbis ipsius ex proximo speculandæ studio, sub mœnia propemodum ipsa successisset. Agebant illi his litteris idem illud quod semper, se præter culpam his calamitatibus premi, quæ ab iis, qui saluis priuilegiis subiectionem non recusent, meritò esse deberent alienæ. De quibus ipsis quòd ne queri quidem per nuncios apud Regem liceret, orabant, ut iis omnibus, ex benignitate ipsius primo quoq; tempore consuleretur. Verisimile iam tum erat, ex animo rem agi, ab hominibus infelici illo casu, ad Regis subiectionem tandem aliquando eruditis;

eruditis: hoc etiam verisimilius, quòd sermo iam ipse litterarum suarum aliquanto humilior, & cum ad eorum vitæ conditionem, tum ad regis personæ dignitatem accommodatior audiebatur. Data igitur fidei publicæ litteræ, quibus, quoniam propter breuitatem temporis (nam in quadriduum tantum conceptæ erant) vti non fuerunt, faciliè prorogationem earum impetrarunt. Sub idem tempus, suburbia duo, Sotlandum primū, quod est urbi ipsi planè contiguum, deinde Stolcembergum, in ipsa editioris urbiq; imminenti montis crepidine situm, utraq; ad ditionem Episcopi Vladislauien. pertinentia, iniectis ad signum ex urbe datum ignibus incendunt: vel domini ipsius odio, vel rerum certe suarum necessitate, ne quod videlicet urbi periculum, ex vicinis alienæ ditionis domibus, bello vigente, creati posse videretur. Dies salui conductus prorogati cum aduenisset, legati ab eis veniunt: conformem quodammodo & perpetuo ciuitatis officio, & præsentium illi fortunæ ac conditioni suæ, orationem habent: Regi dignitatem regiam gratulantur, eamq; bene ac feliciter tum ipsi illi, tum reipub. euenire optant: non missos ad illud usq; tempus ad is-

psum legatos, quā possunt excusant: metum ex terroribus belli, obsessisq; circumcirca itineribus, pro causa adferunt: suspicionem ex verbis in formula iurisiurandi appositis, de iuris communis exceptione, de qua superius est dictum, iterant: diploma confirmationis privilegiorum & libertatum suarum, ad exemplum diplomatis D. Sigismundi Regis petunt: decretum perduellionis proxime aduersus eos latum aboleri postulant: à petitione etiam sua superiore, de iurisiurando Regis prius exigendo, desistere se significant: si modò iis caueatur, sacramento Cracouiæ per Regem edito iuribus ciuitatis nihil derogari: & deniq; si ita Regi videretur, mitti nonnullos ex Senatu ipso poscūt, qui onera, quibus pressi ac grauati essent, auctoritate publica ab ipsis dimouerent, & ciuitatem operata libertati restituerent: se quidē ad subiectionem & omne inferuendi genus paratos esse, verbis ostendunt. Non nihil de primo illo ardenti, atq; ad perniciem præcipiti eorum impetu detractum proxima illa calamitate videbatur. Itaq; etsi nondum planè, qui aut ipsi essent, aut cum quo rem haberent, satis intelligerent, tamen quòd à pertinacia quorundam utique postulatō

stulatorum suorum nonnihil discessisse iam viderentur, postridie responsum à Rege æquitatis plenissimum in eas condiciones tulerunt. Militem ex vrbe & prouincia dimitterent: quando ipse quoq; Rex, vbi id ab eis factum esse viderit, suum esset non inuitus exercitum deducturus. Iurandum fidelitatis darent: sic enim Regem quoque ipsum iurium ac privilegiorum eorum confirmationem minimè ipsis esse negaturum. Externos, qui in verba Regis iurare non lucrint, vrbe sua summouerent. Thorunium ad comitia regni, quæ iam tum in proximo essent, venirent, ibique supplices à Rege veniam deprecarentur. Id si fecerint, Regem, decretum perduellionis legitimis rationibus esse sublaturum, & onera deniq; illa, quibus urbem suam iniquè & præter fas grauata esse liquidò possent ostendere, esse ab eorum ceruicibus detracturum. Hoc responso accepto legati discedunt, & in urbem ad suos reuertuntur. Illi paulo post, saluum conductum legatis mittendis prorogari postulant, nec difficulter obtinent: quòd Rex commodissima iam sibi quæque de ipsis polliceri videretur. Et reuera nihil erat, quod cum aliqua ratione de conditionibus ab Rege

Rege satis repudiaturi esse viderentur. Sed maior nihilominus erat quàm par esset, hominum arrogantium & innata superbia inflatorum pertinacia: quanquam ea tamen, assimulata verborum male aptorum comitate contegeretur. Die igitur quinta Octobris veniunt, & scriptum quoddam, suorum nomine Regi exhibent. Plaustra verborum: rerum tamen omnium summa huc redibat. Ciuitatem suam militem non esse dimissuram: non, ne si Rex quidem suum deducere voluerit. Peregrinis etiam vrbe non esse interdicturam: non, ne iusiurandum quidem in Regis verba ab eis esse exacturam. Iuramentum quoque fidelitatis non aliter daturam, quàm firmissima recepta regia cautione, & libertatis suæ conseruandæ, & onerum leuandorum: & omnino non aliter, quàm sublato decreto contumaciæ, & offensionum omnium memoria abolita. Non sine vmbella quidem alicuius honestatis hæc omnia, sed nec sine aperto tamen indicio spiritus contumacis. Ad comitia etiam regni non missuram esse ciuitatem: cum ea non ad vllum aliud, quàm ad consiliariorum Prussiarum consilium pertineat. Culpam denique, nullius scilicet facinoris consciam, deprecaturam

non

non esse, quod eo deprecandi officio existimationem suam non mediocriter attenuari existimet: illud orare, si qua sinistra de dictis factisue suis opinio Regis animum occupasset, eam ut deponat atque abiciat. Tantum non addiderunt. Id ut faciat, etiamsi omnia hostilium animorum indicia à se in ipsum assidue proficisci appareat. Et tamen his omnibus nulla ferè frontis significatione propositis rebus, sperare se ostendebant, (non enim dico, postulabant, cum reuera non postularent,) ut & onera ciuitatis, quæ necdum etiam satis exponerent, tollerentur, & decretum rebellionis nuper capiti suo irrogatum ut aboleretur. Atque hæc quidem de scripto. Scriptum deinde ipsum tam inflatum nihilo humaniore sermone prosequuntur. Ut exempla tria litterarum regiarum, vnum declarationis, quæ Cracouiense Regis iusiurandum, ad terras quoque Prussiarum & ad ciuitatem eorum extenderet: alterum confirmationis priuilegiorum; tertium cautionis de oneribus quibusdā à ciuitate tollendis, sibi ederentur: se ea exempla in urbem delaturos, ut à populo & cognoscatur plenius, & pro arbitrio conformentur. Et ut omnia tanto minore negotio infecta redderent, libertatem quoque Augusta-

ta in religione professionis, quæ alioqui, etiam ante Regis in Poloniam aduentum, confœderatione ipsa publica plus satis sancita iam erat, iis rebus omnibus admiscere, eamq; sibi conseruari nominatim flagitant: vt si nihil aliud, saltem Regi ipsi, his eiusmodi rebus temere inculcandis fastidium pariant. Ad extremum autem, illum deniq; aculeum emittunt, & Regis ipsius animo infigunt, quem aculeum non ratio sed furor, mente hominum seditiosissimorum dudum conceptus, suggessisse, non necessitas etiam, sed libido & arrogantia expressisse, ac per ora eorum effudisse videri poterat: illum dico aculeum, cum semper aliàs infaustum, tum in ipsis regni atq; imperii primordiis, non solum impertunum, sed etiam planè ominosum, vt tabellis obsignatis testaretur Rex, se, si quid modò aduersus iura eorum cõmisisset vnquam videretur, iam tum eos à vinculo iurisiurandi, quo sibi, vti summo magistratui, obstricti & obligati essent, planè soluere, & regium p̃p̃modum nomen, iis ipsis volentibus ac iubentibus abdicare. Quibus rebus incensus & cõmotus Rex, vt merito in tanta & tam aperta dignitatis suæ contumelia debuit, responsum iis à Procancellario, Ioan. Sario

Zamos

Zamoscio, viro acuto, & in eiusmodi tractandis ingeniis inprimis exercitato, dari iubet. Quo quidem in responso, commemoratis, quantum satis erat, omnibus illis, quæ ad demonstrandam, ab hac quidem parte Gedanensium apertam rebellionem, nec nimis obscurum extrahendarum rerum & Regis differendi studium, ab altera autem, summam ipsius æquanimitatem, & erga Gedanenses facilitatem atq; clementiam singularem, pertinere sunt visa, (quæ vtraque, commemorandis his, quæ hactenus vtrunque gesta erant, satis apparebant) omnium postulatorum Gedanensium iniquitas ostenditur, & malae eorum mens, malusq; animus, multis verbis arguitur. Exprobrantur pleraq; eorum, ruptæ fidei, seditionis ciuilis concitatae, impietatis etiam in Deum susceptæ, edita indicia: dum Regis sui maiestatem conculcant: dum Senatus regni consilia repudiant, alienorum & externorum, & regno infensorum hominum vltro terra, mariq; conquirunt: dum exercitum externum in viscera reipub. adducunt: dum Regis legatos eorumq; comites & familiares violant: dum templa ritus catholici in ipsa vrbe expoliant: dum sacerdotes aliquot intra urbem, scelere nefario

F ij truci-

trucidant: dum denique suburbana duo Episcopi Vladislauieensis manibus ad omnem audaciam instructis, incendunt. Atque his quidem omnibus rectè atque ordine explicatis exaggeratisque rebus, illo denique fini responsum ipsum ad extremum pertexitur. Fato ipso Gedanenses vrgeri: Regem, deos hominesque testari, se, qui nec ipsorum, nec Christiani hominis cuiusquam, sanguinem vnquam studio ac voluntate sua appetisset, necessariò ad sumendas hoc tempore de contumacibus & seditiosis ac impiis ciuibus pœnas, inuitum iterum accingi. Confidere, Deum ipsum, & fidei, & regis ac reipub. maiestatis, & ciuilis inter homines cõiunctionis, & templorum denique suorum violatorum vindicem acerrimum, pientissimis, & maxime necessariis conatibus suis esse affuturum. Nec sanè eum fefellit opinio, vel potius certa in Deum concepta eiusmodi animi fiducia. Cum enim illi, rebus suis terra desperatis, aqua etiam ipsa, suam vrbisque fortunam tentare cõarentur, quinque naues speculatorias, Bergantinas vocant, remige, milite, bombardis etiam instructas maioribus, mox in Istulam fluuium deducunt, & aduerso amni agunt: hoc quidem consilio, vt damna,

non

non ita pridem in Minori sua insula à regis accepta, in Maiore insula, quæ vicina Mariæburgo, ad eius, vt dixi, arcis regis, & inprimis permunitæ ditionem pertinet, hoc modo compensarent, ac vlciscerentur. Verum hic quoque in aqua, non minus quàm in arido nuper, iratum infensumque Deum habuerunt. Fracto enim, virtute industriaque regionum, & decusso Prætorianæ nauis malo, statim in potestatem eorum deuenerunt: adeoque naues illas omnes, & bombardas maiores xxv, amiserunt. Nec multo post rursus, cum & terra, pedestribus copiis, & aqua simul, tribus aliis ornatis instructisque, & in eundem illum Istulæ locum deductis, eiusdemmodi nauibus, contractam superioribus præliis ignominiam delere frustra conati essent, eandem vtrobiq; fortunam, rebus suis aduersissimam, regi regisque satis propitiam sunt experti. Quibus quidem in præliis omnibus, & fides, animusque in Regem suum Polonorum, & Hungarorum item bellicus ardor, mirificè enituit: præ ceteris autem nauali ipso prælio, cum vtraque gens, partitis quasi de industria inter se vltra citraque, ripis ipsis fluminis, quibus tum fortè adstiterat, ita de gloria militari videtur certauisse, vt Gedanicus miles

F in

ille

ille qui nauigabat, pilæ lusoriæ instar, nunc à Polono animosè repellì, nunc in Hungarum misero fato incidere, & huc illucq; per amnem oberrans, mortem non victoriam, exitum de vita, non receptum vllum aut perfugium miseriarum, querere videretur. Tanta enim erat inter eos trepidatio, tantus pavor, tanta animorum consternatio, vt plerique, & in his dux ipse infelicissimè illarum copiarum, misera rerum omnium desperatione, vltro sibi mortem, non tam ferro adacto, quàm sponte haustis toto corpore aquarum gurgitibus, consciuisse perhiberentur. Insignis ante alios species fuit Andreæ Hungari, regio Batori in Transyluania oppido oriundi, cum is pedes flumen ipsum ingressus, signum, quod à Tribuno traditum gerebat, altius etiàm quàm pro prælii usu sublatum, magno animo in hostem, nulla vi fluminis exterritus inferebat: & ceteris quidem, hostium corpora sternere permittebat, sibi animorum hostilium domandorum prouinciam extra ordinem desumebat. Iam tum post primam illam naualem feliciter à suis confectam pugnam, Rex locis circumcirca diligenter lustratis, & quoad fieri potuit, ratione militari prouisis, copiisque suis omnibus Ioan. Sborou

Sborouii Gnesnensis Castellani, præfecturæ commendatis, viri maximo animo, & ingenio planè militari præditi, qui tunc fortè aulicarum copiarum ducis munus & titulum, post Stanisl. Sarius Zamoscium Castellanum Chelmen, obtinebat, Grebino discesserat: vt Thorunium, quò comitia omnium regni sui ordinum ad diem D. Francisco sacrum indixerat, primo quoq; tempore perueniret. Quòd enim ipso Grebini comitante, & Gedanensium negociis occupato, dies comitiis ipsis præstituta, iam esset præterlapsa, iccirco maiorem sibi eò properandi necessitatē imponi arbitrabatur. Gedanenses interim acerbam responsum Grebinensis, queribundis litterarum etiàm duplicatarum sermonibus lamentari, tum apud ipsos tertarum Prussiarum ordines, tum verò apud Senatum quoq; regni, & ipsos equestris ordinis legatos, quos Thoruniū ad comitia conuenisse fama acceperant. Regi etiàm per litteras supplicare, benignius secum aliquanto agere, & vel legatos suos, rebus ac rationibus ciuitatis in re præsentì inspiciendis, ad ipsos mittere, vel ipsorum certè legatis ad se mittendis securitatem publicam cōcedere velit atq; iubeat. Rex Thorunium cum venisset, postridie Sena-

tum aduocauit: de quorum consilio, prouisis iis & pręparatis rebus, quę ad rectam imminentium comitiõrum gubernationem pertinerent, statim die insequenti comitia ipsa, maiorum more, litatõ est auspicatus. In quibus, cum inter cetera, de his omnibus, quę per id tempus, susceptis cum Gedanensibus tractationibus interuenerant, ad Senatum & ordines regni sui copiose retulisset, dictę sunt à patribus grauissimę acerrimęq; sententię. Nemo enim ferẽ erat in Senatu illo, qui tum sanẽ aderat frequentissimus, qui hac tanta Gedanensium, primò aduersus Regem suum arrogantia, deinde rationum ciuitatis rectẽ administrandarum inscitia, &, quod vtrumque horum necessariò consequeretur, aperto & insigni ciuitatis ipsius incommodo, ad quod, imperitia & malignitate adducta esset gubernatorum suorum, non vehementius cõmoueri videretur. Aderant tum Thorunii Gedanensium quidam, quos ciuitas illa ad comitia, verbo, fidei publicę Internunciis impetrandę, re, omnium quę interea agerentur perscrutandorum gratia ablegarat. Quorum sanẽ vultus habitusq; demissus, & sermo denique varius, ac ad omnem temporum hominumque conditionis

oppor-

opportunitatem compositus etsi non paucos priuatim transuersos agere videbatur, quorũ illi, plerosq; misericordia frustratę Casarianę electionis, alios societate Augustanę in religione opinionis, nonnullos etiam fortassis vel blandẽ ac suppliciter appellando, vel largẽ denique ac liberaliter prensando, ad fortunę suę commiserationem pertrahebant: in vniuersum tamen causa illorum, magna, tum clausę vrbis regię, tum emissi aliquoties extra vrbem infesti militis, tum pręterea male acceptorum intra vrbem, quorundam innocentium hominum, tum verò maximẽ suspectorum reipub. consiliorum cum externis communicatorum, inuidia admodum premebatur. Leges erant in proximẽ superioribus binis comitiis per nobilitatem latę, aduersę quodammodo inter se atq; contrarię. Altera in electione Henrichi Regis ad Camonum: qua prouinciales ipsi nobilitatis exercitus, quę ternis restium, vt vocant, litteris ad arma solet per Regem euocari, diuidi ac separari vetabantur. Altera, in Stephani ipsius Regis inauguratione Cracouiensi: qua, ad rebellium, si qui essent, motus atq; seditiones domesticas propere comprimendas, vicinorum tantum Palatinatum militares excire copias,

omnib

G

nullis

nullis remotiorum Palatinatum auxiliis accersitis, Regi per mittebatur. Cum igitur de Gedanensibus rebellibus ad officium adducendis atque etiam cogendis, si opus sit, in consilio ageretur, multa in utramque partem, comparandis inter se utrisque his legibus contentiose propemodum diserebantur. Cumque adeo plurima in hoc genere ultro citroque dicta essent, eò tandem res rediit, ut rebellionem eorum bello persequendam armisque reprimendam esse omnes existimarent: ita tamen, ut, quoniam per suos & queri lamentabiliter, & humiliter planè supplicare, ubi modò opportunè possent, videbantur, locus iis veniat, ut primum resipiscerent, & moderatioribus ac quietioribus consiliis uterentur, relictus apud Regem esse videretur. Lubet igitur ante omnia experiri, ecquid ipsi per se salutis viam ullam inire velint, tum ecquid aliis saltem vocantibus, & certum atque expeditum iter ad salutem monstrantibus parere sustineant. Igitur die primum xvi. Nouembr. publica iis data est fides, quæ ita perscribebatur, ut, si pacata civitate militem interea dimittant, & culpæ deprecandæ gratia supplices Regem adeant, tutò reliquas pacis tractationes cum Rege suscipere, & quoties commodum sit, domos

domos suas remigrare libere queant. Atque huic quidem rei principio dies duodecim præstituntur, mox tres etiam præterea adduntur: sic ut per Nouembrem totum, securitate optata fruerentur. Quæ quidem Regis rescripta per eosdem illos, quos eo nomine à Gedanensibus missos fuisse ad comitia diximus, accepta cum essent, Gedanum deferuntur: ut ita quæ salutis civitati essent, à civibus ipsis nullo extraneo interveniente monitore exciperentur. Tum deinde datur etiam facultas duobus duarum aliarum civitatum postulantium Consulibus, Thorunensi alteri, alteri Elbingensi, alloquendi libere civitatē Gedanensem: si fortè, ubi per se ipsa non saperet, aliorum sermonibus ad mentem traducta saniolem, maiestati Regis ipsius, ebrios hactenus, siue diuturna rerum prosperitate, siue adeo inflatis suis cogitationibus animos, tandè, ut subditos decerneret, summittere velle videretur. Quod utrumque hoc etiam facilius concessum est, quod civitas ipsa Gedanensis tum temporis, (mortuo videlicet illis ipsis diebus Maximiliano Cæsare, cuius partibus hucusque ambitiosius, ut videbatur, fovendis, omnem propemodum perduellionis culpam honestiore quodammodo nomine præte-

xebat) subscribendis suis ad Regem litteris ,
 subditorum vocabulum , à quo hactenus planè
 abstinebat , adscribere incepisset. Itur ergo
 Gedanum, maxima spe duarum Prussiarum primarum
 & Gedano amicarum, iurisq; ac studiorum
 communione deuinctarum ciuitatum, de
 sananda tertia, quæ quò magis parua illa, vt dis-
 ximus, initia, ad tantam temporis illius opum
 atq; potentia amplitudinem perduxerat, hoc pe-
 riculosius omnino agrotabat. Verùm dum ea ci-
 uitatum legatio Gedanum proficiscitur, fortè in-
 cidit in obuios Internuncios Gedanenses, qui cum
 postulatis suæ ciuitatis ad ea quæ per Regem
 proximè proposita fuerant, ad Regem contende-
 bant. Quos dum illi in urbem secum retrahere
 conarentur, integrum sibi non esse responde-
 bant : excusatione vsi, quòd Moscho in Liuonia
 am irumpente, (qua de re certò compertum se
 habere affirmabant) vererentur, ne comitia re-
 gni primo quoque tempore soluerentur. Vtriq;
 igitur cœptum iter prosequuntur, hi ad Regem,
 vt dictum est, illi verò Gedanum rectà, sed spe-
 iam extenuata. Quam etiam eorum animi præ-
 sensionem ipse quoq; legationis exitus compro-
 bavit. Nihil enim planè profectum est, apud a-
 nimos

nimos obstinatos, & omnia in eos Internuncios
 reiicientes, quos se paulò antè ad Regem, iisdem
 de rebus illis, amandasse profitebantur. Erant
 autem qui tum à Gedanensibus amandabantur,
 Constant. Ferberus, & Georg. Rosenbergius,
 viri in consulatu eorum facile principes: quibus
 comes legationis adiungebatur Henrichus
 Lemcha Syndicus ciuitatis. Hi Thorunium cū
 uenissent, quoniam nec ipsi priuatim suis nomi-
 nibus iusiurandum subiectionis Regi dedissent,
 & necdum eius spem certam aliquam publicè à
 ciuitate afferrent, in Regis conspectum admissi
 non fuerunt : legationem tamen illam apud vi-
 rum optimum, & singularem quandam animi li-
 bertatem vultu præferentem, Andr. Opalinium
 regni Marsalcum, qui publico cōsilio erat ad eam
 rem designatus, obiuērūt: vbi obiuissent, in hospis-
 tio custodibus adhibitis, continere se sunt iussi.
 Qui cum ante omnia à Marsalco regni rogaren-
 tur, vtrumne conditionibus in salui conductus
 regii litteris appositis satisfecissent, responde-
 bant, difficultatem conditionum latorū, & tem-
 poris ipsius angustiam in causa fuisse, quominus
 satisfacere hactenus potuerint. Nam militis qui-
 dem dimissionem quod attineret: cum aliis mili-
 tibus

tribus dies conductorum stipendiorum nondum decurrisset, aliis autem quoque praterea, noua stipendia recentissimo tempore condita essent, quorum etsi dies iam cedat, nondum tamen venerit, fieri necessario, ut neque eos quos habeant, tam citò dimittere, nec nouos praterea ac recentes aduentantes, vrbe arcere posse videantur: datos tamen operam, ut & illos veteres decursis statim stipendiis dimittant, & ad noua merenda stipendia alios deinde non accersant, si modo ex aduerso militem quoque suae prouinciae vastatorem abduci ex prouincia viderint. De deprecatione autem cum quaereretur, functos se esse deprecatione asseriebant, scriptis ad Regem, summa cum animi demissione litteris: orare, ut in iis ipsis litteris acquiescat, nec deprecationem aliam à ciuitate requirat. Interim autem & iura illorum confirmet, & ea quibus premitur, ciuitas (quae cuiusmodi sint, postea suo tempore explanaturos esse) è medio tollat, proscriptionisque decretum ipsum aboleat. Ni faciat verendum esse, ne. Atque hic tum nescio quid eiusmodi Germanicè effati sunt, (ea enim lingua legationem peragebant) quod postea à peritis eius linguae expositum, ita ad Regem perlatus

tum est, quasi si verendum esse dixissent, ne ea res occasionem praebeat, multorum consiliis & re absurdis, & exitu calamitosus, propterea ineundis. Quae quidem cum in Senatu ad eum modum referrentur, grauius sanè, ut oportuit, & acerbis omnium Senatorum, etiam eorum, qui ipsorum partibus fauere antea videbantur, animis accepta sunt. Non modò iam enim regia gratia & clementia, sed etiam securitate quoque ipsa publica palàm abusi videbantur: quae in quas condiciones data illis ac praescripta erat, iis se ipsi conditionibus non stare planè fatebantur. Tum autem in leges ipsas publicas aperitissime delinquebant, quae vetant, non priuatis magis quàm Regi ipsi, militem externum, nisi publico consilio, in rempub. adducere. Itaque perrogatis omnium sententiis, decretum est, ut litterae restium, quod in omnibus ferè tumultibus usurpari consuevit, per regnum dimittantur, & ad praefectos item ac possessores bonarum regionum diligenter perscribatur, ut cum his copiis ad manum quas haberent, praesto essent Regi. Atque his quidem ita constitutis, cum viderent terratum Prussiae consiliarii, res Gedaniensium eò sensum ac paulatim deduci, quò ipsi

DE TVMVLTV

minimè omnium cuperent, colloquium sibi cum Internunciis eorum permitti postulant: & quoniam bellum aduersus ipsos in eam conditionem decretum erat, ut iis tamen omnis aditus ad Regis gratiam patere semper debuerit, impetrant. Vbi igitur quantum satis esset collocuti viderentur, in Senatum post aliquot dies veniunt, & quæ sermonibus vltro citroq; cedendis percepissent, referunt. Ac referunt quidem omnia commoda, nonnulla verò etiam optata: in quibus illud quoq;. Si Internuncii ipsi benignius tractentur (querebantur enim se durius tractari ab iis, quibus custodia egressus eorum ex hospitiiis fuit demandata) & si potestas ipsis detur mittendarum ad ciuitatem suarum litterarum, perfecturos, ut ciuitas ipsa nihil honesti recuset, quod ad controuersias minuendas, Regisq; gratiam conciliandam pertinere videatur. His relatis, emolliri quadam ex parte rigor ille decreti paulò antè belli: vsq; adeò, ut nisi eum memoria proximi eorum responsi superbissimi in animis nonnullorum assiduè quasi recrudescentis exaceret, & nisi tempus ipsum tam longum frustra iis impensum rebus, spem ipsam deinceps rectè conficiundi negotii præcideret, omnis

GEDAN. LIB. I.

mnis propemodum vis decreti illius, Prussorum partibus eiusmodi interpositis, in irritum casura fuisse videretur. Mediam igitur viam secuti regni ordines, neq; aditum iis ad Regis gratiam intercludunt, quod vnum Prussi maximopere puidere videbantur, & tamen rursus arrogans illorum responsum, quod nuper admodum per sūmam superbiam effati essent, pluribus paulo interponēdis conditionibus, cōercendum esse existimant: non facturi fortassis, nisi quòd eam rem ad maiorem causæ securitatem pertinere iudicarent. Iam tum enim ea causa longissimis, & ob easdem sæpius iteratas res molestissimis disputationibus, non solum nauseam omnibus fastidiumq; pepererat, sed etiam rem ipsam in infinitas quasdam suspiciones adduxerat. Ex conditiones descriptæ cū essent, (quæ cuiusmodi fuerint, paulò post dicemus) per Brestensem ipsum Palatinum legatis ipsis exhibentur. Illi verò bona spe concordix futuræ vultu ipso declarata, fidei publicæ, mittendis denuò ciuitatis legationibus litteras, quas confidentius iam postulare videbantur, non magno negotio impetrant, easq; conditionum pariter, & publicæ rogatæ fidei litteras in urbem mittunt. Ferbero
ea pro

DE TVMVLTV

ea prouincia cum Lemcha demandatur. Ros-
semergius legationis comes ad aulam subsi-
stit. Atq; hæc ferè per totum Decembrem Tho-
runii agebantur: quibus ipsis diebus, ipsa etiam
illa Thorunensia regni comitia sunt soluta. De
quorum actionibus reliquis, quæ erant sa-
nè & pondere graues, & numero infin-
itæ, non est nunc narrandi locus.

COMM. LIB. II.

1484.



1484.

Nasutum myrmecum 2 Bist. Kärnisch
28. IX. 1927 : donatorum Bist. Tag.

Kr.

